


王氏家刻分次春秋左傳



漢書門類			
八	三	六	二
六	三	三	二
八	三	三	二
冊	架	函	號


內閣文庫			
七	八	三	六
四	二	八	二
函	冊	架	號

春秋

內閣文庫	
番號	漢 8362
冊數	8 ( 1 )
函號	274 162

274-162





S81-475



孫月峰先生淺草又庫評分次經傳序

春秋志憤也經何言乎志憤也  
憤莫大於刑刑莫大於亂臣賊  
子故以萬六千六百七十二字

春秋左傳韓序

*[Faint bleed-through text from the reverse side of the page]*

時寄一憤以繩檢二百四十二  
年之間此春秋之所為刑書也  
孔子脩春秋使子夏等十四人  
求周史記得寶書又魯君資孔  
子之周曰老聃觀書於柱下春

秋成以授左丘明丘明躬為魯  
太史博綜諸故籍而以憤世為  
救世之具此脉則得之孔氏心  
眼通靈照攝千古故其狀君子  
若入其純忠懇義之衷狀奸逆

若睨其陰畫腹笑遂邪垂欲之  
初狀理道若貫綜其冥默往復  
消長天人之際他若言戰猶在  
軍言禮儼為儼言占對不啻口  
出言禱筮妖邪等之我居著蔡

身尸鬼神矣宜後之讀者可游  
目鼓喙而領含之者願二千年  
來人不勝書、不勝汶、也何  
幸當我世而有心眼通靈之月  
峯先生也先生才駕隆古胤接

大忠有先世之憤每謂文章之  
法盡於經矣而讀左傳似無所  
得晚年得力最深其批評之覈  
妙入神解想當染翰援隱正類  
法家推勘追前心之所從來茲

後藝之所從出齷剔腴敗示人  
吐茹始覺一手氣有登降千秋  
隻眼到此獨開使人一展卷頃  
便疑身是古人眼作古見蒼茫  
見古天地炤爛見古日月紛遺

見古君公卿佐賢傑士女若與  
謦欬相周旋也者先生良工心  
苦哉至音在懸應和尤捷渡有  
吾鄉閔赤如遇五用和昆從手  
躬分次經傳特受先生之許以

朱副墨一覽犁然經傳籍題評  
開前古之新題評翼分次樹今  
日之古余獲之不減賈逵劉兆  
朱墨經傳也因念霽水一衣帶  
何名雋之夥而於春秋獨奉二

也無論齊梁之有隱侯文阿咸  
以義疏為類達所收佐纂正義  
即諸傳記所載春秋僅數十家  
吾若更有張嘉父通訓章茂深  
類事始末沈存中世次名氏諸

譜及葉石林傳考與讖各有三  
種若文伯誤名為棊著有此事  
崔彥直雖籍涪陵詔下湖州取  
其例要後先昭著已据八人今  
赤如昆友渡以今次題評擅有



其一噫何嘗水一衣帶而名雋  
之夥於春秋獨拳三也僕本憤  
人生處憤世每憤正士道消是  
非瀾倒卒莫抵極自對此書覺  
窓雲似為變虹夜篝於以結暈

和瀋漬筆梗澁不能下安得素  
王素臣沒生此時共提七寸之  
管衮者衮鉞者鉞使白簡青史  
如孫先生朱墨之清明敬死不  
恨矣

萬曆丙辰仲秋西吳後學韓敬

撰



閔氏家刻分次春秋左傳凡例

按左氏之傳春秋也經自為經傳自為傳未始相配合也晉杜元凱始分經麗傳列一年之經於前而傳則總係於後宋林唐翁復於傳內每事加圈以別之覽者殆如列眉矣然以一年之經傳相麗又不若一經一傳者鱗次櫛比無復渾淆則又以補元凱唐翁所未逮耳忘其癖者敢正大方

一春秋大全及四傳諸刻已舉傳文分屬各經下

則今日之分次亦非僭爲割裂矣但前刻皆主胡氏傳而析左以附之零星破裂前後倒置其先經後經依經錯經之義竟爾不顯今悉以左氏傳文爲主而依經之次第以分綴焉有經文在前而傳在後者亦有經文在後而傳在前者考之杜本係是傳誤則移以比經其或從告從赴不同及事之始終顛末不齊者則仍舊兩列不敢強合也其有經文數條而事本一節傳文亦自聯絡成篇則總冠經於前而列傳於後不

敢細爲分裂以失作者之意

- 一舊本有經無傳者下註無傳二字今每經自書一行傳則另起行低一字無傳則以他經另起閱者無不了然也其數經一傳者則聯書相接但每經空一字以隔之閱者未睹傳而已知爲一事矣

一舊本有傳無經者上書附錄二字此始於大全也大全以胡傳爲主而左氏之無經者無所歸着故以附錄標之謂附於胡傳後也而於左氏

本傳亦稱附錄可乎況有立案以起後完案以終前或一事而前後過接相爲照應立意之妙正在於此今於此類悉另起而上加一圈以表無經

一時刻字畫訛謬不可勝指今以古本訂定而作書悉正於說文時習之謬無不滌去

一左傳有語意深奧及故實隱僻者非註不可但他本卽以註語嵌入本文亦有義本易明反多贅附瑣屑甚矣今每傳摘其難解者考定註釋


字音間以已見相正名曰左傳音釋另爲一帙附于卷後以便考究其淺易者悉不錄

一傳中人物或稱名或稱字或稱氏或以謚爵或以食邑前後互見難以記臆舊有名號歸一圖讀者誠便今復加叅訂以附於後

一左傳一書膾炙千古無容贅矣但從來評騭率多豔稱而其中頭緒貫串之妙及立意攄辭命句拈字情態萬出未有能纖悉曲折窮其神者至其瑕瑜不相掩處尤槩置不較大司馬孫月

峰先生研幾索隱句字不漏其所指摘處更無不透入淵微豈唯後學之指南即起盲史而面證之當亦有心契者家翁次兄為水部留都時遂得手受於先生不敢自秘用以公之同好一舊刻凡有批評圈點者俱就原板墨印藝林厭之今另刻一板經傳用墨批評以朱校讎不啻三五而錢刀之靡非所計矣置之帳中當不無心賞其初學課業無取批評則有墨本在

吳興閔齊伋識



閔氏分次春秋左傳目

隱公第一

桓公第二

莊公第三

閔公第四

僖公第五

文公第六

宣公第七

成公第八

襄公上第九

襄公下第十

昭公上第十一

昭公中第十二

昭公下第十三

定公第十四

哀公第十五

隱公

春秋左傳

孫月峰先生批點

隱公

自此起至攝也即位之義書即位之義文氣甚貴宜附元年經後不宜止據傳元年字截置經前

○惠公元妃孟子孟子卒繼室以聲子生隱公宋

武公生仲子仲子生而有文在其手曰爲魯夫

人故仲子歸于我生桓公而惠公薨是以隱公

立而奉之

元年春王正月

元年春王周正月不書即位攝也

三月公及邾儀父盟于蔑

春秋左傳 隱公

三月公及邾儀父盟于蔑邾子克也未王命故不書爵曰儀父貴之也公攝位而欲求好於邾故為蔑之盟

○夏四月費伯帥師城郎不書非公命也

夏五月鄭伯克段于鄆

初鄭武公娶于申曰武姜生莊公及共叔段莊公寤生驚姜氏故名曰寤生遂惡之愛共叔段欲立之亟請於武公公弗許及莊公即位為之請制公曰制巖邑也虢叔死焉他邑唯命請京

平叙去不  
異奇然濃色  
可拘蓋只是  
淨鍊  
用脩謂生子  
而開日若為  
寤生或近是  
巖邑是任字  
然在今時則  
為屬

章法

簡核無剩  
字

章法

此却又  
有態

使居之謂之京城大叔祭仲曰都城過百雉國之害也先王之制大都不過參國之一中五之一小九之一今京不度非制也君將不堪公曰姜氏欲之焉辟害對曰姜氏何厭之有不如早為之所無使滋蔓蔓難圖也蔓草猶不可除況君之寵弟乎公曰多行不義必自斃子姑待之既而大叔命西鄙北鄙貳於己公子呂曰國不堪貳君將若之何欲與大叔臣請事之若弗與則請除之無生民心公曰無庸將自及大叔又

由不義故  
不暱

解經簡明有  
法  
難之也杜註  
段實出奔而  
以克為文明  
鄭伯志在於  
殺難言其奔  
解未快

收貳以為已邑至于廩延子封曰可矣厚將得  
眾公曰不義不暱厚將崩大叔完聚繕甲兵具  
卒乘將襲鄭夫人將啟之公聞其期曰可矣命  
子封帥車二百乘以伐京京叛大叔段段入于  
鄆公伐諸鄆五月辛丑大叔出奔共書曰鄭伯  
克段于鄆段不弟故不言弟如二君故曰克稱  
鄭伯譏失教也謂之鄭志不言出奔難之也遂  
遠接寘姜氏于城潁而誓之曰不及黃泉無相見也  
既而悔之潁考叔為潁谷封人聞之有獻於公

辭命

其誰曰不然  
今亦用得可  
歷  
中外字有分  
曉此叙法亦  
奇然非分時  
所尚

公賜之食食舍肉公問之對曰小人有母皆嘗  
小人之食矣未嘗君之羹請以遺之公曰爾有  
母遺繫我獨無潁考叔曰敢問何謂也公語之  
故且告之悔對曰君何患焉若闕地及泉隧而  
相見其誰曰不然公從之公入而賦大隧之中  
其樂也融融姜出而賦大隧之外其樂也洩洩  
遂為母子如初君子曰潁考叔純孝也愛其母  
施及莊公詩曰孝子不匱永錫爾類其是之謂  
乎



秋七月天王使宰咺來歸惠公仲子之賵

秋七月天王使宰咺來歸惠公仲子之賵。緩且子氏未薨故名。天子七月而葬，同軌畢至。諸侯五月同盟至。大夫三月同位。至士踰月。外姻至，贈死不及尸，弔生不及哀。豫凶事，非禮也。

○八月紀人伐夷，夷不告，故不書。

○有蜚，不為災，亦不書。

九月及宋人盟于宿。

惠公之季年，敗宋師于黃，公立而求成焉。九月

及宋人盟于宿，始通也。

○冬十月庚申，改葬惠公。公弗臨，故不書。惠公之

薨也，有宋師，大子少，葬故有闕，是以改葬。衛侯

來會葬，不見公，亦不書。

○鄭共叔之亂，公孫滑出奔衛，衛人為之伐鄭，取

廩，延鄭人，以王師號師伐衛。南鄙請師於邾，邾

子使私於公子豫，豫請往，公弗許，遂行。及邾人

鄭人盟于翼，不書，非公命也。

○新作南門，不書，亦非公命也。

春秋左傳

冬十有二月祭伯來

十二月祭伯來非王命也

公子益師卒

衆父卒公不與小斂故不書日

二年春公會戎于潛

二年春公會戎于潛脩惠公之好也戎請盟公

辭

夏五月莒人入向

莒子娶于向向姜不安莒而歸夏莒人入向以

姜氏還

無駭帥師入極

司空無駭入極費庠父勝之

秋八月庚辰公及戎盟于唐

戎請盟秋盟于唐復脩戎好也

九月紀裂繻來逆女

九月紀裂繻來逆女卿爲君逆也

冬十月伯姬歸于紀

紀子帛莒子盟于密

春秋左傳

冬紀子帛莒子盟于密魯故也

十有二月乙卯夫人子氏薨

鄭人伐衛

鄭人伐衛討公孫滑之亂也

三年春王二月己巳日有食之

三月庚戌天王崩

三年春王三月壬戌平王崩赴以庚戌故書之

夏四月辛卯君氏卒

夏君氏卒聲子也不赴于諸侯不反哭于寢不

祔于姑故不曰薨不稱夫人故不言葬不書姓  
為公故曰君氏

○鄭武公莊公為平王卿士王貳于虢鄭伯怨王  
王曰無之故周鄭交質王子狐為質於鄭鄭公  
子忽為質於周王崩周人將舁虢公政四月鄭  
祭足帥師取溫之麥秋又取成周之禾周鄭交  
惡君子曰信不由中質無益也明恕而行要之  
以禮雖無有質誰能閒之苟有明信澗谿沼沚  
之毛蘋蘩蕓藻之菜筐筥錡釜之器潢汙行潦

不辨名分却  
只論質之無  
益昔人所駁  
良是  
菜器水即是  
本字不若上

句有韻

調六好

收句勁峭但  
昭字於今亦  
為腐

辭命

着色語

春秋左傳

之水可薦於鬼神可羞於王公而況君子結二  
國之信行之以禮又焉用質風有采繁采蘋雅  
有行葦泂酌昭忠信也

秋武氏子來求賻

武氏子來求賻王未葬也

八月庚辰宋公和卒

宋穆公疾召大司馬孔父而屬殤公焉曰先君  
舍與夷而立寡人寡人弗敢忘若以大夫之靈  
得保首領以沒先君若問與夷其將何辭以對

請子奉之以主社稷寡人雖死亦無悔焉對曰

羣臣願奉馮也公曰不可先君以寡人為賢使

主社稷若弃德不讓是廢先君之舉也豈曰能

賢光昭先君之令德可不務乎吾子其無廢先

君之功使公子馮出居於鄭八月庚辰宋穆公

卒殤公即位君子曰宋宣公可謂知人矣立穆

公其子饗之命以義夫商頌曰殷受命咸宜百

祿是荷其是之謂乎

冬十有二月齊侯鄭伯盟于石門

可不務乎於  
今最為常語  
然此處用束  
原自弱無力  
上意已盡其  
無廢句明是  
重出然却有  
勢贈尾一折  
決起數丈

春秋左傳隱公

沈  
康  
田  
慎  
太

冬齊鄭盟于石門尋盧之盟也庚戌鄭伯之車  
償于濟

癸未葬宋穆公

○衛莊公娶于齊東宮得臣之妹曰莊姜美而無  
子衛人所為賦碩人也又娶于陳曰厲嬀生孝  
伯早死其娣戴嬀生桓公莊姜以為已子公子  
州吁嬖人之子也有寵而好兵公弗禁莊姜惡  
之石碏諫曰臣聞愛子教之以義方弗納於邪  
驕奢淫泆所自邪也四者之來寵祿過也將立

此是為州吁  
弑君傳宜入  
右經四年後  
蓋原非三年  
事也

頂針句在  
今六厭

州吁乃定之矣若猶未也階之為禍夫寵而不  
驕驕而能降降而不憾憾而能矜者鮮矣且夫  
賤妨貴少陵長遠閒親新聞舊小加大淫破義  
所謂六逆也君義臣行父慈子孝兄愛弟敬所  
謂六順也去順效逆所以速禍也君人者將禍  
是務去而速之無乃不可乎弗聽其子厚與州  
吁游禁之不可桓公立乃老

四年春王二月莒人伐杞取牟婁

戊申衛州吁弑其君完

四年春衛州吁弑桓公而立

夏公及宋公遇于清

公與宋公為會將尋宿之盟未及期衛人來告

亂夏公及宋公遇于清

宋公陳侯蔡人衛人伐鄭

宋殤公之即位也公子馮出奔鄭鄭人欲納之

及衛州吁立將脩先君之怨於鄭而求寵於諸

侯以和其民使告於宋曰君若伐鄭以除君害

君為主敝邑以賦與陳蔡從則衛國之願也宋

辭命

一泛論一州  
吁作四節相  
錯最缺有能

人許之於是陳蔡方睦於衛故宋公陳侯蔡人

衛人伐鄭圍其東門五日而還公問於眾仲曰

衛州吁其成乎對曰臣聞以德和民不聞以亂

以亂猶治絲而棼之也夫州吁阻兵而安忍阻

兵無眾安忍無親眾叛親離難以濟矣夫兵猶

火也弗戢將自焚也夫州吁弑其君而虐用其

民於是乎不務令德而欲以亂成必不免矣

秋翬帥師會宋公陳侯蔡人衛人伐鄭

秋諸侯復伐鄭宋公使來乞師公辭之羽父請

以師會之公弗許固請而行故書曰翬帥師疾之也諸侯之師敗鄭徒兵取其禾而還

九月衛人殺州吁于濮

州吁未能和其民厚問定君於石子石子曰王覲為可曰何以得覲曰陳桓公方有寵於王陳衛方睦若朝陳使請必可得也厚從州吁如陳石碏使告于陳曰衛國褊小老夫耄矣無能為也此二人者實弑寡君敢即圖之陳人執之而請泄于衛九月衛人使右宰醜泄殺州吁于濮

石碏使其宰孺羊肩泄殺石厚于陳君子曰石碏純臣也惡州吁而厚與焉大義滅親其是之謂乎

冬十有二月衛人立晉

衛人逆公子晉于邢冬十二月宣公即位書曰衛人立晉眾也

五年春公矢魚于棠

五年春公將如棠觀魚者臧僖伯諫曰凡物不足以講大事其材不足以備器用則君不舉焉

此等語熟讀便覺

自謂係者是  
軌備實用者  
是物

春秋左傳

君將納民於軌物者也故講事以度軌量謂之軌取材以章物采謂之物不軌不物謂之亂政亂政亟行所以敗也故春蒐夏苗秋獮冬狩皆於農隙以講事也三年而治兵入而振旅歸而飲至以數軍實昭文章明貴賤辨等列順少長習威儀也鳥獸之肉不登於俎皮革齒牙骨角毛羽不登於器則公不射古之制也若夫山林川澤之實器用之資阜隸之事官司之守非君所及也公曰吾將畧地焉遂往陳魚而觀之僖

此器用字  
略礙

伯稱疾不從書曰公矢魚于棠非禮也且言遠地也

○曲沃莊伯以鄭人邢人伐翼王使尹氏武氏助之翼侯奔隨

夏四月葬衛桓公

夏葬衛桓公衛亂是以緩

○四月鄭人侵衛牧以報東門之役衛人以燕師伐鄭鄭祭足原繁洩駕以三軍軍其前使曼伯與子元潛軍軍其後燕人畏鄭三軍而不虞制

有簡法

春秋左傳隱公



人六月鄭二公子以制人敗燕師于北制君子曰不備不虞不可以師

○曲沃叛王秋王命虢公伐曲沃而立哀侯于翼

秋衛師入邾

衛之亂也邾人侵衛故衛師入邾

九月考仲子之宮初獻六羽

九月考仲子之宮將萬焉公問羽數於眾仲對

曰天子用八諸侯用六大夫四士二夫舞所以

節八音而行八風故自八以下公從之於是初

獻六羽始用六佾也

邾人鄭人伐宋

宋人取邾田邾人告於鄭曰請君釋憾於宋敝

邑為道鄭人以王師會之伐宋人其郛以報東

門之役宋人使來告命公聞其入郛也將救之

問於使者曰師何及對曰未及國公怒乃止辭

使者曰君命寡人同恤社稷之難今問諸使者

曰師未及國非寡人之所敢知也

螟

冬十有二月辛巳公子彊卒

冬十二月辛巳臧僖伯卒公曰叔父有憾於寡人寡人弗敢忘葬之加一等

宋人伐鄭圍長葛

宋人伐鄭圍長葛以報入郟之役也

六年春鄭人來渝平

六年春鄭人來渝平更成也

○翼九宗五正頃父之子嘉父逆晉侯于隨納諸

鄂晉人謂之鄂侯

夏五月辛酉公會齊侯盟于艾

夏盟于艾始平于齊也

○五月庚申鄭伯侵陳大獲往歲鄭伯請成于陳

陳侯不許五父諫曰親仁善鄰國之寶也君其

許鄭陳侯曰宋衛實難鄭何能為遂不許君子

曰善不可失惡不可長其陳桓公之謂乎長惡

不悛從自及也雖欲救之其將能乎商書曰惡

之易也如火之燎于原不可鄉邇其猶可撲滅

周任有言曰為國家者見惡如農夫之務去草

難似謂實作

焉芟夷蕝崇之絕其本根勿使能殖則善者信矣

秋七月

冬宋人取長葛

秋宋人取長葛

○冬京師來告饑公爲之請糴於宋衛齊鄭禮也

○鄭伯如周始朝桓王也王不禮焉周桓公言於王曰我周之東遷晉鄭焉依善鄭以勸來者猶懼不斂況不禮焉鄭不來矣

七年春王三月叔姬歸于紀

滕侯卒

○七年春滕侯卒不書名未同盟也凡諸侯同盟於是稱名故薨則赴以名告終稱嗣也以繼好息民謂之禮經

夏城中丘

夏城中丘書不時也

齊侯使其弟年來聘

齊侯使夷仲年來聘結艾之盟也

春秋左傳

秋公伐邾

秋宋及鄭平七月庚申盟于宿公伐邾為宋討也

冬天王使凡伯來聘 戎伐凡伯于楚丘以歸

初戎朝于周發幣于公卿凡伯弗賓冬王使凡

伯來聘還戎伐之于楚丘以歸

○陳及鄭平十二月陳五父如鄭涖盟壬申及鄭

伯盟軟如忘洩伯曰五父必不免不賴盟矣鄭

良佐如陳涖盟辛巳及陳侯盟亦知陳之將亂

也

○鄭公子忽在王所故陳侯請妻之鄭伯許之乃

成昏

八年春宋公衛侯遇于垂

八年春齊侯將平宋衛有會期宋公以幣請於

衛請先相見衛侯許之故遇于犬丘

三月鄭伯使宛來歸祊

○鄭伯請釋泰山之祀而祀周公以泰山之祊易

許田三月鄭伯使宛來歸祊不祀泰山也

春秋左傳隱公

十五

庚寅我入祊

○夏虢公忌父始作卿士于周

○四月甲辰鄭公子忽如陳逆婦媯辛亥以媯氏

歸甲寅入于鄭陳鍼子送女先配而後祖鍼子

曰是不為夫婦誣其祖矣非禮也何以能育

夏六月己亥蔡侯考父卒

辛亥宿男卒

秋七月庚午宋公齊侯衛侯盟于瓦屋

齊人卒平宋衛于鄭秋會于温盟于瓦屋以釋

東門之役禮也

八月葬蔡宣公

○八月丙戌鄭伯以齊人朝王禮也

九月辛卯公及莒人盟于浮來

公及莒人盟于浮來以成紀好也

螟

○冬齊侯使來告成三國公使眾仲對曰君釋三

國之圖以鳩其民君之惠也寡君聞命矣敢不

承受君之明德

冬十有二月無駭卒

無駭卒羽父請謚與族公問族於眾仲眾仲對

曰天子建德因生以賜姓胙之土而命之氏諸

侯以字為謚因以為族官有世功則有官族邑

亦如之公命以字為展氏

九年春天王使南季來聘

三月癸酉大雨震電庚辰大雨雪

八年春王三月癸酉大雨霖以震書始也庚辰

大雨雪亦如之書時失也凡雨自三日以往為

上霖平地只為大雪

挾卒

夏城郎

夏城郎書不時也

秋七月

○宋公不王鄭伯為王左卿士以王命討之伐宋

宋以入郟之役怨公不告命公怒絕宋使秋鄭

人以王命來告伐宋

冬公會齊侯于防

冬公會齊侯于防謀伐宋也

○北戎侵鄭鄭伯禦之患戎師曰彼徒我車懼其  
侵軼我也公子突曰使勇而無剛者嘗寇而速  
去之君為三覆以待之戎輕而不整貪而無親  
勝不相讓敗不相救先者見獲必務進進而遇  
覆必速奔後者不救則無繼矣乃可以逞從之  
戎人之前遇覆者奔祝聃逐之衷戎師前後擊  
之盡殪戎師大奔十一月甲寅鄭人大敗戎師  
十年春王二月公會齊侯鄭伯于中丘

十年春王正月公會齊侯鄭伯于中丘癸丑盟  
于鄧為師期

夏翬帥師會齊人鄭人伐宋

夏五月羽父先會齊侯鄭伯伐宋

六月壬戌公敗宋師于菅辛未取郟辛巳取防

六月戊申公會齊侯鄭伯于老桃壬戌公敗宋  
師于菅庚午鄭師入郟辛未歸于我庚辰鄭師  
入防辛巳歸于我君子謂鄭莊公於是乎可謂  
正矣以王命討不庭不貪其土以勞王爵正之

體也

○蔡人衛人邾人不會王命

秋宋人衛人入鄭宋人蔡人衛人伐戴鄭伯伐取

之

六秋七月庚寅鄭師入郊猶在郊宋人衛人入鄭

蔡人從之伐戴八月壬戌鄭伯圍戴癸亥克之

取三師焉宋衛既入鄭而以伐戴召蔡人蔡人

怒故不和而敗

○九月戊寅鄭伯入宋

冬十月壬午齊人鄭人入邾

冬齊人鄭人入邾討違王命也

十有一年春滕侯薛侯來朝

十一年春滕侯薛侯來朝爭長薛侯曰我先封

滕侯曰我周之卜正也薛庶姓也我不可以後

之公使羽父請於薛侯曰君與滕君辱在寡人

周諺有之曰山有木工則度之賓有禮主則擇

之周之宗盟異姓為後寡人若朝于薛不敢與

諸任齒君若辱貺寡人則願以滕君為請薛侯

精簡有韻

辭命



春秋左傳

許之乃長滕侯

夏公會鄭伯于時來

夏公會鄭伯于邾謀伐許也

秋七月壬午公及齊侯鄭伯入許

鄭伯將伐許五月甲辰授兵於大宮公孫闕與

穎考叔爭車穎考叔挾輈以忤子都拔棘以逐

之及大逵弗及子都怒秋七月公會齊侯鄭伯

伐許庚辰傅于許穎考叔取鄭伯之旗螿弧以

先登子都自下射之顛瑕叔盈又以螿弧登周

旗螿弧亦是倒字

辭命

辭命

詞絕三絕然有金石之音

章法

四乎字句法暗相映在有意無意之間

麾而呼曰君登矣鄭師畢登壬午遂入許許莊

公奔衛齊侯以許讓公公曰君謂許不共故從

君討之許既伏其罪矣雖君有命寡人弗敢與

聞乃與鄭人鄭伯使許大夫百里奉許叔以居

許東偏曰天禍許國鬼神實不逞于許君而假

手于我寡人寡人唯是一二父兄不能共億其

敢以許自為功乎寡人有弟不能和協而使餽

其口於四方其況能久有許乎吾子其奉許叔

以撫柔此民也吾將使獲也佐吾子若寡人得

春秋左傳隱公

二十一

長白鍊勁  
最有濃色

春秋左傳

没于地天其以禮悔禍于許無寧茲許公復奉  
其社稷唯我鄭國之有請謁焉如舊昏媾其能  
降以相從也無滋他族實偪處此以與我鄭國  
爭此土也吾子孫其覆亡之不暇而況能禋祀  
許乎寡人之使吾子處此不唯許國之為亦聊  
以固吾圉也乃使公孫獲處許西偏曰凡而器  
用財賄無寘於許我死乃亟去之吾先君新邑  
於此王室而既卑矣周之子孫日失其序夫許  
大岳之胤也天而既厭周德矣吾其能與許爭

零收拾下  
前案

乎君子謂鄭莊公於是乎有禮禮經國家定社  
稷序民人利後嗣者也許無刑而伐之服而舍  
之度德而處之量力而行之相時而動無累後  
人可謂知禮矣鄭伯使卒出緘行出犬雞以詛  
射潁考叔者君子謂鄭莊公失政刑矣政以治  
民刑以正邪既無德政又無威刑是以及邪邪  
而詛之將何益矣

○王取鄔劉蔦邠之田于鄭而與鄭人蘇忿生之  
田温原絺樊隰郕欒茅向盟州陘墮懷君子是

春秋左傳隱公

二十一

以知桓王之失鄭也。恕而行之，德之則也。禮之經也。已弗能有，而以與人人之不至，不亦宜乎？  
○鄭息有違言，息侯伐鄭，鄭伯與戰于竟，息師大敗而還。君子是以知息之將亡也。不度德，不量力，不親親，不徵辭，不察有罪，犯五不韙，而以伐人，其喪師也，不亦宜乎？

○冬十月，鄭伯以虢師伐宋，壬戌，大敗宋師，以報其入鄭也。宋不告命，故不書。凡諸侯有命，告則書，不然則否。師出臧否，亦如之。雖及滅國，滅不

告敗，勝不告克，不書于策。

冬十有一月壬辰，公薨。

羽父請殺桓公，將以求大宰。公曰：為其少故也。吾將授之矣。使營菟裘，吾將老焉。羽父懼，反譖公于桓公而請弑之。公之為公子也，與鄭人戰于狐壤，止焉。鄭人囚諸尹氏，賂尹氏而禱於其主鍾巫，遂與尹氏歸而立其主。十一月，公祭鍾巫，齊于社，圃館于寫氏。壬辰，羽父使賊弑公于寫氏，立桓公而討寫氏。有死者，不書葬，不成喪。

羽父請殺桓公，將以求大宰。公曰：為其少故也。吾將授之矣。使營菟裘，吾將老焉。羽父懼，反譖公于桓公而請弑之。公之為公子也，與鄭人戰于狐壤，止焉。鄭人囚諸尹氏，賂尹氏而禱於其主鍾巫，遂與尹氏歸而立其主。十一月，公祭鍾巫，齊于社，圃館于寫氏。壬辰，羽父使賊弑公于寫氏，立桓公而討寫氏。有死者，不書葬，不成喪。

也

萬曆丙辰夏吳興閔齊華閔齊伋閔象秦

系次經傳

*[Faint bleed-through text from the reverse side of the page]*

春秋左傳

桓公五年春三月公會鄭伯于垂鄭

伯以璧假許田其父之墓于祔自毀而毀之曰

元年春公即位脩好于鄭鄭人請復祀周公卒

易祔田公許之三月鄭伯以璧假許田為周公

祔故也

夏四月丁未公及鄭伯盟于越

夏四月丁未公及鄭伯盟于越結祔成也盟曰

此設語寒乃伯王節文

亦錄之

春秋左傳

渝盟無享國

秋大水

秋大水凡平原出水為大水

冬十月

○冬鄭伯拜盟

○宋華父督見孔父之妻于路目逆而送之曰美

而黜

二年春王正月戊申宋督弑其君與夷及其大夫

孔父

精論

二年春宋督攻孔氏殺孔父而取其妻公怒督懼遂弑殤公君子以督為有無君之心而後動於惡故先書弑其君

滕子來朝

三月公會齊侯陳侯鄭伯于稷以成宋亂

會于稷以成宋亂為賂故立華氏也宋殤公立十年十一戰民不堪命孔父嘉為司馬督為大宰故因民之不堪命先宣言曰司馬則然已殺孔父而弑殤公召莊公于鄭而立之以親鄭以

春秋左傳 桓公

亦為老生熟  
誦生厭其  
法尤腐

春秋左傳

郕大鼎賂公齊陳鄭皆有賂故遂相宋公

夏四月取郕大鼎于宋戊申納于大廟

夏四月取郕大鼎于宋戊申納于大廟非禮也

臧哀伯諫曰君人者將昭德塞違以臨照百官

猶懼或失之故昭令德以示子孫是以清廟茅

屋大路越席大羹不致粢食不鑿昭其儉也衮

冕黻珽帶裳幅舄衡紃紼昭其度也藻率鞞

鞞鞶厲游纓昭其數也火龍黼黻昭其文也五

色比象昭其物也錫鸞和鈴昭其聲也三辰旂

旗昭其明也夫德儉而有度登降有數文物以

紀之聲明以發之以臨照百官百官於是乎戒

懼而不敢易紀律今滅德立違而寘其賂器於

大廟以明示百官百官象之其又何誅焉國家

之敗由官邪也官之失德寵賂章也郕鼎在廟

章孰甚焉武王克商遷九鼎于維維邑義士猶或

非之而况將昭違亂之賂器於大廟其若之何

公不聽周內史聞之曰臧孫達其有後於魯乎

君違不忘諫之以德

春秋左傳 桓公

春秋左傳

秋七月杞侯來朝

秋七月杞侯來朝不敬杞侯歸乃謀伐之

蔡侯鄭伯會于鄧

蔡侯鄭伯會于鄧始懼楚也

九月入杞

九月入杞討不敬也

公及戎盟于唐

公及戎盟于唐脩舊好也

冬公至自唐

此亦宜置三年首

此頂針法在泛套

冬公至自唐告于廟也凡公行告于宗廟反行飲至舍爵策勲焉禮也特相會往來稱地讓事也自參以上則往稱地來稱會成事也

○初晉穆侯之夫人姜氏以條之役生大子命之曰仇其弟以千畝之戰生命之曰成師師服曰異哉君之名子也夫名以制義義以出禮禮以體政政以正民是以政成而民聽易則生亂嘉耦曰妃怨耦曰仇古之命也今君命大子曰仇弟曰成師始兆亂矣兄其替乎惠之二十四年

春秋左傳桓公

叙事簡核有

晉始亂故封桓叔于曲沃靖侯之孫欒賓傳之師服曰吾聞國家之立也本大而末小是以能固故天子建國諸侯立家卿置側室大夫有貳宗士有隸子弟庶人工商各有分親皆有等衰是以民服事其上而下無覬覦今晉甸侯也而建國本既弱矣其能久乎惠之三十年晉潘父弑昭侯而納桓叔不克晉人立孝侯惠之四十五年曲沃莊伯伐翼弑孝侯翼人立其弟鄂侯鄂侯生哀侯哀侯侵陘庭之田陘庭南鄙啟曲

沃伐翼

三年

○三年春曲沃武公伐翼次于陘庭韓萬御戎梁弘為右逐翼侯于汾隰驂絙而止夜獲之及欒共叔

春正月公會齊侯于羸

會于羸成昏于齊也

夏齊侯衛侯胥命于蒲

夏齊侯衛侯胥命于蒲不盟也



六月公會杞侯于郕

公會杞侯于郕杞求成也

秋七月壬辰朔日有食之既

公子翬如齊逆女

秋公子翬如齊逆女脩先君之好故曰公子

九月齊侯送姜氏于謹

齊侯送姜氏非禮也凡公女嫁于敵國姊妹則

上卿送之以禮於先君公子則下卿送之於大

國雖公子亦上卿送之於天子則諸卿皆行公

上逆叙小國却綴末亦只是意到筆隨然法尚存

不自送於小國則上大夫送之

公會齊侯于謹夫人姜氏至自齊

冬齊侯使其弟年來聘

冬齊仲年來聘致夫人也

有年

○芮伯萬之母芮姜惡芮伯之多寵人也故逐之

出居于魏

四年春正月公狩于郎

四年春正月公狩于郎書時禮也

夏天王使宰渠伯糾來聘

夏周宰渠伯糾來聘父在故名

○秋秦師侵芮敗焉小之也

○冬王師秦師圍魏執芮伯以歸

五年春正月甲戌巳丑陳侯鮑卒

五年春正月甲戌巳丑陳侯鮑卒再赴也於是

陳亂文公子佗殺太子免而代之公疾病而亂

作國人分散故再赴

夏齊侯鄭伯如紀

夏齊侯鄭伯朝于紀欲以襲之紀人知之

天王使仍叔之子來聘

仍叔之子弱也

葬陳桓公

城祝丘

秋蔡人衛人陳人從王伐鄭

王奪鄭伯政鄭伯不朝秋王以諸侯伐鄭鄭伯

禦之王為中軍虢公林父將右軍蔡人衛人屬

焉周公黑肩將左軍陳人屬焉鄭子元請為左

叙戰事工絕

拒以當蔡人衛人爲右拒以當陳人曰陳亂民莫有鬪心若先犯之必奔王卒顧之必亂蔡衛不枝固將先奔既而萃于王卒可以集事從之曼伯爲右拒祭仲足爲左拒原繁高渠彌以中軍奉公爲魚麗之陳先偏後伍伍承彌縫戰于繻葛命二拒曰旂動而鼓蔡衛陳皆奔王卒亂鄭師合以攻之王卒大敗祝聃射王中肩王亦能軍祝聃請從之公曰君子不欲多上人况敢陵天子乎苟自救也社稷無隕多矣夜鄭伯使

造語工妙  
寫兵法宛然  
得舉要法

如此便佳當求了  
然可記者已盡亦  
更無有者開語

祭足勞王且問左右

大雩

秋大雩書不時也凡祀啟蟄而郊龍見而雩始殺而嘗閉蟄而烝過則書

各

冬州公如曹

冬淳于公如曹度其國危遂不復

六年春正月寔來

六年春自曹來朝書曰寔來不復其國也

少師應是官  
名竟不知何  
姓名

語簡淨鍊法  
歲其中

○楚武王侵隨使遠章求成焉軍於瑕以待之隨  
人使少師董成鬪伯比言於楚子曰吾不得志  
於漢東也我則使然我張吾三軍而被吾甲兵  
以武臨之彼則懼而協以謀我故難間也漢東  
之國隨爲大隨張必弃小國小國離楚之利也  
少師侈請羸師以張之熊率且比曰季梁在何  
益鬪伯比曰以爲後圖少師得其君王毀軍而  
納少師少師歸請追楚師隨侯將許之季梁止  
之曰天方授楚楚之羸其誘我也君何急焉臣

聞小之能敵大也小道大淫所謂道忠於民而  
信於神也上思利民忠也祝史正辭信也今民  
餒而君逞欲祝史矯舉以祭臣不知其可也公  
曰吾牲牲肥脂粢盛豐備何則不信對曰夫民  
神之主也是以聖王先成民而後致力於神故  
奉牲以告曰博碩肥脂謂民力之普存也謂其  
畜之碩大蕃滋也謂其不疾疫蠹也謂其備脂  
咸有也奉盛以告曰絜粢豐盛謂其三時不害  
而民和年豐也奉酒醴以告曰嘉栗旨酒謂其

上下皆有嘉德而無違心也所謂馨香無讒慝也故務其三時脩其五教親其九族以致其禮祀於是乎民和而神降之福故動則有成今民各有心而鬼神乏主君雖獨豐其何福之有君姑脩政而親兄弟之國庶免於難隨侯懼而脩政楚不敢伐

夏四月公會紀侯于成

夏會于成紀來諮謀齊難也

○北戎伐齊齊侯使乞師于鄭鄭太子忽帥師救

叙事簡而有態但茲二事後各見本條中則此處可刪

齊六月大敗戎師獲其二帥大良少良甲首三百以獻於齊於是諸侯之大夫戍齊齊人饋之餼使曾為其班後鄭鄭忽以其有功也怒故有郎之師公之未昏於齊也齊侯欲以文姜妻鄭太子忽太子忽辭人問其故太子曰人各有耦齊大非吾耦也詩云自求多福在我而已大國何為君子曰善自為謀及其敗戎師也齊侯又請妻之固辭人問其故太子曰無事於齊吾猶不敢今以君命奔齊之急而受室以歸是以師

昏也。民其謂我何。遂辭諸鄭伯。

秋八月壬午大閱

秋大閱簡車馬也。

蔡人殺陳佗

九月丁卯子同生

九月丁卯子同生。以大子生之禮舉之。接以大

牢。卜士負之。士妻食之。公與文姜宗婦命之。公

問名於申繻。對曰。名有五。有信。有義。有象。有假。

有類。以名生為信。以德命為義。以類命為象。取

故實可取文  
去方大實

於物為假。取於父為類。不以國。不以官。不以山。

川。不以隱疾。不以畜牲。不以器幣。周人以諱事。

人。神名終將諱之。故以國則廢名。以官則廢職。以

山川則廢主。以畜牲則廢祀。以器幣則廢禮。晉

以僖侯廢司徒。宋以武公廢司空。先君獻武廢

二山。是以大物不可以命。公曰。是其生也。與吾

同物。命之曰同。

冬紀侯來朝

冬紀侯來朝。請王命以求成于齊。公告不能。

七年春二月己亥焚咸丘  
夏穀伯綏來朝鄧侯吾離來朝

七年春穀伯鄧侯來朝名賤之也

○夏盟向求成于鄭既而背之秋鄭人齊人衛人  
伐盟向王遷盟向之民于邾

○冬曲沃伯誘晉小子侯殺之

八年

○八年春滅翼

春正月己卯烝

此漢恭事子  
侯所本

天王使家父來聘

夏五月丁丑烝

○隨少師有寵楚鬬伯比曰可矣讐有釁不可失

也夏楚子合諸侯于沈鹿黃隨不會使遠章讓

黃楚子伐隨軍於漢淮之間季梁請下之弗許

而後戰所以怒我而怠寇也少師謂隨侯曰必

速戰不然將失楚師隨侯禦之望楚師季梁曰

楚人上左君必左無與王遇且攻其右右無良

焉必敗偏敗衆乃攜矣少師曰不當王非敵也

簡妙

弗從戰于速杞隨師敗績隨侯逸鬪丹獲其戎車與其戎右少師秋隨及楚平楚子將不許鬪伯比曰天去其疾矣隨未可克也乃盟而還

秋伐邾

冬十月雨雪

○冬王命虢仲立晉哀侯之弟緡于晉

祭公來遂逆王后于紀

祭公來遂逆王后于紀禮也

九年春紀季姜歸于京師

九年春紀季姜歸于京師凡諸侯之女行唯王

后書

夏四月

○巴子使韓服告于楚請與鄧為好楚子使道朔

將巴客以聘於鄧鄧南鄙鄧人攻而奪之幣殺

道朔及巴行人楚子使遠章讓於鄧鄧人弗受

夏楚使鬬廉帥師及巴師圍鄧鄧養甥聃甥帥

師救鄧三逐巴師不克鬬廉衡陳其師於巴師

之中以戰而北鄧人逐之背巴師而夾攻之鄧

長句勁



春秋左傳

師大敗鄆人宵潰

秋七月

○秋虢仲芮伯梁伯荀侯賈伯伐曲沃

冬曹伯使其世子射姑來朝

冬曹天子來朝賓之以上卿禮也享曹天子初

獻樂奏而歎施父曰曹天子其有憂乎非歎所

也

十年春王正月庚申曹伯終生卒

十年春曹桓公卒

夏五月葬曹桓公

○虢仲譖其大夫詹父於王詹父有辭以王師伐

虢夏虢公出奔虞

秋公會衛侯于桃丘弗遇

○秋秦人納芮伯萬于芮

○初虞叔有玉虞公求旃弗獻既而悔之曰周諺

有之匹夫無罪懷璧其罪吾焉用此其以賈害

也乃獻之又求其寶劍叔曰是無厭也無厭將

及我遂伐虞公故虞公出奔共池

冬十有二月丙午齊侯衛侯鄭伯來戰于郎

冬齊衛鄭來戰于郎我有辭也初北戎病齊諸

侯救之鄭公子忽有功焉齊人餽諸侯使魯次

之魯以周班後鄭鄭人怒請師於齊齊人以衛

師助之故不稱侵伐先書齊衛王爵也

十有一年春正月齊人衛人鄭人盟于惡曹

十一年春齊衛鄭宋盟于惡曹

○楚屈瑕將盟貳軫鄭人軍於蒲騷將與隨絞州

蓼伐楚師莫敖患之鬬廉曰鄭人軍其郊必不

誠且日虞四邑之至也君次於郊郢以禦四邑

我以銳師宵加於鄭鄭有虞心而恃其城莫有

鬪志若敗鄭師四邑必離莫敖曰盍請濟師於

王對曰師克在和不在衆商周之不敵君之所

聞也成軍以出又何濟焉莫敖曰卜之對曰卜

以決疑不疑何卜遂敗鄭師於蒲騷卒盟而還

夏五月癸未鄭伯寤生卒秋七月葬鄭莊公

九月宋人執鄭祭仲突歸于鄭鄭忽出奔衛

鄭昭公之敗北戎也齊人將妻之昭公辭祭仲

文勢但淨則味  
自長前昭公辭  
婚語雖佳然用  
之此處以上下  
文較之未免煩  
簡不相稱故寧  
別見

春秋左傳

曰必取之君多內寵子無大援將不立三公子  
皆君也弗從夏鄭莊公卒初祭封人仲足有寵  
於莊公莊公使為卿為公娶鄧曼生昭公故祭  
仲立之宋雍氏女於鄭莊公曰雍姑生厲公雍  
氏宗有寵於宋莊公故誘祭仲而執之曰不立  
突將死亦執厲公而求賂焉祭仲與宋人盟以  
厲公歸而立之秋九月丁亥昭公奔衛己亥厲  
公立

柔會宋公陳侯蔡叔盟于折

公會宋公于夫鍾

冬十有二月公會宋公于闕

十有二年春正月

夏六月壬寅公會杞侯莒子盟于曲池

十二年夏盟于曲池平杞莒也

秋七月丁亥公會宋公燕人盟于穀丘

八月壬辰陳侯躍卒

公會宋公于虛

冬十有一月公會宋公于龜

春秋左傳 桓公

丙戌公會鄭伯盟于武父

丙戌衛侯晉卒

十有二月及鄭師伐宋丁未戰于宋

公欲平宋鄭秋公及宋公盟于句瀆之丘宋成未可知也故又會于虛冬又會于龜宋公辭平故與鄭伯盟于武父遂帥師而伐宋戰焉宋無信也君子曰苟信不繼盟無益也詩云君子屢盟亂是用長無信也

○楚伐絞軍其南門莫敖屈瑕曰絞小而輕輕則

亦以簡妙句  
向鍊

寡謀請無扞采樵者以誘之從之絞人獲三十人明日絞人爭出驅楚役徒於山中楚人坐其北門而覆諸山下大敗之為城下之盟而還伐絞之役楚師分涉於彭羅人欲伐之使伯嘉謀之三巡數之

十有三年

○十三年春楚屈瑕伐羅鬬伯比送之還謂其御曰莫敖必敗舉趾高心不固矣遂見楚子曰必濟師楚子辭焉人告夫人鄧曼鄧曼曰大夫其

非衆之謂其謂君撫小民以信訓諸司以德而  
威莫敖以刑也莫敖狃於蒲騷之役將自用也  
必小羅君若不鎮撫其不設備乎夫固謂君訓  
衆而好鎮撫之召諸司而勸之以令德見莫敖  
而告諸天之不假易也不然夫豈不知楚師之  
盡行也楚子使賴人追之不及莫敖使徇于師  
曰諫者有刑及鄢亂次以濟遂無次且不設備  
及羅羅與盧戎兩軍之大敗之莫敖縊于荒谷  
羣帥囚于冶父以聽刑楚子曰孤之罪也皆免

即前句略增  
數字殆如註  
脚然明是重  
出而意旨乃  
更腴揚左氏  
多此法

之

春二月公會紀侯鄭伯已巳及齊侯宋公衛侯燕  
人戰齊師宋師衛師燕師敗績

宋多責賂於鄭鄭不堪命故以紀魯及齊與宋  
衛燕戰不書所戰後也

三月葬衛宣公

夏大水

秋七月

冬十月

此句亦當屬  
下年

○鄭人來請脩好

十有四年春正月公會鄭伯于曹

十四年春會于曹曹人致餼禮也

無冰

夏五

鄭伯使其弟語來盟

夏鄭子人來尋盟且脩曹之會

秋八月壬申御廩災乙亥嘗

秋八月壬申御廩災乙亥嘗書不害也

冬十有二月丁巳齊侯祿父卒

宋人以齊人蔡人衛人陳人伐鄭

冬宋人以諸侯伐鄭報宋之戰也焚渠門入及

大逵伐東郊取牛首以大宮之椽歸為盧門之

椽

十有五年春二月天王使家父來求車

十五年春天王使家父來求車非禮也諸侯不

貢車服天子不私求財

三月乙未天王崩

批句却有致

夏四月己巳葬齊僖公

五月鄭伯突出奔蔡鄭世子忽復歸于鄭

祭仲專鄭伯患之使其壻雍糾殺之將享諸郊  
雍姬知之謂其母曰父與夫孰親其母曰人盡  
夫也父一而已胡可比也遂告祭仲曰雍氏舍  
其室而將享子於郊吾惑之以告祭仲殺雍糾  
尸諸周氏之汪公載以出曰謀及婦人宜其死  
也夏厲公出奔蔡六月乙亥昭公入

許叔入于許公會齊侯于艾

許叔入于許公會齊侯于艾謀定許也

邾人牟人葛人來朝

秋九月鄭伯突入于櫟

秋鄭伯因櫟人殺檀伯而遂居櫟

冬十有一月公會宋公衛侯陳侯于袤伐鄭

冬會于袤謀伐鄭將納厲公也弗克而還

十有六年春正月公會宋公蔡侯衛侯于曹

四月公會宋公衛侯陳侯蔡侯伐鄭

十六年春正月會于曹謀伐鄭也夏伐鄭

秋七月公至自伐鄭以飲至之禮也

冬城向

冬城向書時也

十有一月衛侯朔出奔齊

初衛宣公烝於夷姜生急子屬諸右公子為之  
娶於齊而美公取之生壽及朔屬壽於左公子  
夷姜縊宣姜與公子朔搆急子公使諸齊使盜  
待諸莘將殺之壽子告之使行不可曰弃父之

二公子名至  
此始見

命惡用子矣有無父之國則可也及行飲以酒

壽子載其旌以先盜殺之急子至曰我之求也

此何罪請殺我乎又殺之二公子故怨惠公十

一月左公子洩右公子職立公子黔牟惠公奔

齊

十有七年春正月丙辰公會齊侯紀侯盟于黃

十七年春盟于黃平齊紀且謀衛故也

二月丙午公會邾儀父盟于雒

及邾儀父盟于雒尋蔑之盟也



夏五月丙午及齊師戰于奚疆也

夏及齊師戰于奚疆事也於是齊人侵魯疆疆  
吏來告公曰疆場之事慎守其一而備其不虞  
姑盡所備焉事至而戰又何謁焉

六月丁丑蔡侯封人卒 秋八月蔡季自陳歸于

蔡 蔡桓侯卒蔡人召蔡季于陳秋蔡季自陳歸于

蔡蔡人嘉之也

癸巳葬蔡桓侯

及宋人衛人伐邾

伐邾宋志也

冬十月朔日有食之

冬十月朔日有食之不書日官失之也天子有

日官諸侯有日御日官居卿以底日禮也日御

不失日以授百官于朝

○初鄭伯將以高渠彌為卿昭公惡之固諫不聽

昭公立懼其殺已也辛卯弒昭公而立公子亶

君子謂昭公知所惡矣公子達曰高伯其為戮

乎復惡已甚矣  
十有八年春王正月公會齊侯于濼公與夫人姜氏遂如齊  
夏四月丙子公薨于齊丁酉公之喪至自齊

十八年春公將有行遂與姜氏如齊申繻曰女有家男有室無相瀆也謂之有禮易此必敗公會齊侯于濼遂及文姜如齊齊侯通焉公謫之以告夏四月丙子享公使公子彭生乘公公薨于車曾人告于齊曰寡君畏君之威不敢寧居

辭命

體面語

來脩舊好禮成而不反無所歸咎惡於諸侯請以彭生除之齊人殺彭生

秋七月

秋齊侯師于首止子亶會之高渠彌相七月戊戌齊人殺子亶而轅高渠彌祭仲逆鄭子于陳而立之是行也祭仲知之故稱疾不往人曰祭仲以知免仲曰信也

冬十有二月己丑葬我君桓公

周公欲弑莊王而立王子克辛伯告王遂與王

隋字

春秋左傳

殺周公黑肩王子克奔燕初子儀有寵於桓王桓王屬諸周公辛伯諫曰竝后匹嫡兩政耦國亂之本也周公弗從故及

萬曆丙辰夏吳興閔齊華  
閔齊伋閔象泰分次經傳

春秋左傳

莊公

元年春王正月

元年春不稱即位文姜出故也

三月夫人孫于齊

三月夫人孫于齊不稱姜氏絕不為親禮也

夏單伯送王姬

秋築王姬之館于外

秋築王姬之館于外為外禮也

春秋左傳

莊公

春秋左傳

冬十月乙亥陳侯林卒

王使榮叔來錫桓公命

王姬歸于齊

齊師遷紀邢鄆部

二年春王二月葬陳莊公

夏公子慶父帥師伐於餘丘

秋七月齊王姬卒

冬十有二月夫人姜氏會齊侯于禚

二年冬夫人姜氏會齊侯于禚書姦也

乙酉宋公馮卒

三年春王正月溺會齊師伐衛

三年春溺會齊師伐衛疾之也

夏四月葬宋莊公

五月葬桓王

夏五月葬桓王緩也

秋紀季以鄆入于齊

秋紀季以鄆入于齊紀於是乎始判

冬公次于滑

春秋左傳卷之六

冬公次于滑將會鄭伯謀紀故也鄭伯辭以難凡師一宿為舍再宿為信過信為次

四年春王二月夫人姜氏享齊侯于祝丘

三月紀伯姬卒

亦淨

○四年春王三月楚武王荆尸授師子焉以伐隨將齊人告夫人鄧曼曰余心蕩鄧曼歎曰王祿盡矣盈而蕩天之道也先君其知之矣故臨武事將發大命而蕩王心焉若師徒無虧王薨於行國之福也王遂行卒于楸木之下令尹鬬祁

莫敖屈重除道梁澆營軍臨隨隨人懼行成莫敖以王命入盟隨侯且請為會於漢汭而還濟漢而後發喪

夏齊侯陳侯鄭伯遇于垂入於

紀侯大去其國

紀侯不能下齊以與紀季夏紀侯大去其國違

齊難也

六月乙丑齊侯葬紀伯姬

秋七月

冬公及齊人狩于禚

五年春王正月

夏夫人姜氏如齊師

秋郕犁來來朝

五年秋郕犁來來朝名未王命也

冬公會齊人宋人陳人蔡人伐衛

冬伐衛納惠公也

六年春王正月壬子突救衛

六年春王人救衛

夏六月衛侯朔入于衛

夏衛侯入放公子黔牟于周放甯跪于秦殺左

公子洩右公子職乃即位君子以二公子之立

黔牟為不度矣夫能固位者必度於本末而後

立衷焉不知其本不謀知本之不枝弗強詩云

本枝百世

秋公至自伐衛

螟

冬齊人來歸衛俘

冬齊人來歸衛寶文姜請之也

○楚文王伐申過鄧鄧祁侯曰吾甥也止而享之  
騶甥聃甥養甥請殺楚子鄧侯弗許三甥曰亡  
鄧國者必此人也若不早圖後君噬齊其及圖  
之乎圖之此為時矣鄧侯曰人將不食吾餘對  
曰若不從三臣抑社稷實不血食而君焉取餘  
弗從還年楚子伐鄧十六年楚復伐鄧滅之  
七年春夫人姜氏會齊侯于防  
七年春文姜會齊侯于防齊志也

就餘字轉得

夏四月辛卯夜恒星不見夜中星隕如雨

夏恒星不見夜明也星隕如雨與雨偕也

秋大水

無麥苗

秋無麥苗不害嘉穀也

冬夫人姜氏會齊侯于穀

八年春王正月師次于郎以俟陳人蔡人

甲午治兵

八年春治兵于廟禮也

夏師及齊師圍邾邾降于齊師 秋師還

夏師及齊師圍邾邾降于齊師仲慶父請伐齊師公曰不可我實不德齊師何罪罪我之由夏書曰臯陶邁種德德乃降姑務脩德以待時乎秋師還君子是以善魯莊公

冬十有一月癸未齊無知弒其君諸兒

齊侯使連稱管至父戍葵丘瓜時而往曰及瓜而代期戍公問不至請代弗許故謀作亂僖公之母弟曰夷仲年生公孫無知有寵於僖公衣

叙法絕高妙  
淨而色濃簡  
而味腴

一鬼見兩形  
寫法絕妙  
此下叙法更  
精

陡說後孟陽  
真是險絕

服禮秩如適襄公縉之二人因之以作亂連稱有從妹在公宮無寵使閻公曰捷吾以女爲夫人冬十二月齊侯游于姑棼遂田于貝丘見大豕從者曰公子彭生也公怒曰彭生敢見射之豕人立而啼公懼隊于車傷足喪屨反誅屨於徒人費弗得鞭之見血走出遇賊于門劫而束之費曰我奚御哉袒而示之背信之費請先入伏公而出鬪死于門中石之紛如死于階下遂入殺孟陽于牀曰非君也不類見公之足于戶



此句當屬下

下遂弑之而立無知初襄公立無常鮑叔牙曰君使民慢亂將作矣奉公子小白出奔莒亂作管夷吾召忽奉公子糾來奔

○初公孫無知虐于雍廩

九年春齊人殺無知

九年春雍廩殺無知

公及齊大夫盟于斂

公及齊大夫盟于斂齊無君也

夏公伐齊納子糾齊小白入于齊

夏公伐齊納子糾桓公自莒先入

秋七月丁酉葬齊襄公

八月庚申及齊師戰于乾時我師敗績公九月齊

人取子糾殺之

秋師及齊師戰于乾時我師敗績公喪戎路傳

乘而歸秦子梁子以公旗辟于下道是以皆止

鮑叔帥師來言曰子糾親也請君討之管召讐

也請受而甘心焉乃殺子糾于生竇召忽死之

管仲請囚鮑叔受之及堂阜而稅之歸而以告

曰管夷吾治於高傒使相可也公從之

冬浚洙

十年春王正月公敗齊師于長勺

十年春齊師伐我公將戰曹劌請見其鄉人曰

肉食者謀之又何間焉劌曰肉食者鄙未能遠

謀乃入見問何以戰公曰衣食所安弗敢專也

必以分人對曰小惠未徧民弗從也公曰犧牲

玉帛弗敢加也必以信對曰小信未孚神弗福

也公曰小大之獄雖不能察必以情對曰忠之

伯玉謂是神  
品尚未能了  
然  
鍊甚然亦覺  
太方

屬也可以一戰戰則請從公與之乘戰于長勺

公將鼓之劌曰未可齊人三鼓劌曰可矣齊師

敗績公將馳之劌曰未可下視其轍登軾而望

之曰可矣遂逐齊師既克公問其故對曰夫戰

勇氣也一鼓作氣再而衰三而竭彼竭我盈故

克之夫大國難測也懼有伏焉吾視其轍亂望

其旗靡故逐之

二月公侵宋

三月宋人遷宿

春秋左傳 莊公

夏六月齊師宋師次于郎公敗宋師于乘丘

夏六月齊師宋師次于郎公子偃曰宋師不整可敗也宋敗齊必還請擊之公弗許自雩門竊出蒙臯比而先犯之公從之大敗宋師于乘丘齊師乃還

秋九月荆敗蔡師于莘以蔡侯獻舞歸

蔡哀侯娶于陳息侯亦娶焉息媯將歸過蔡蔡侯曰吾媯也止而見之弗賓息侯聞之怒使謂楚文王曰伐我吾求救於蔡而伐之楚子從之

秋九月楚敗蔡師于莘以蔡侯獻舞歸

冬十月齊師滅譚譚子奔莒

齊侯之出也過譚譚不禮焉及其入也諸侯皆賀譚又不至冬齊師滅譚譚無禮也譚子奔莒同盟故也

十有一年春王正月

夏五月戊寅公敗宋師于鄆

十一年夏宋為乘丘之役故侵我公禦之宋師未陳而薄之敗諸鄆凡師敵未陳曰敗某師皆

陳曰戰大崩曰敗績得雋曰克覆而敗之曰取某師京師敗曰王師敗績于某

秋宋大水

秋宋大水公使弔焉曰天作淫雨害於棗盛若之何不弔對曰孤實不敬天降之災又以爲君憂拜命之辱臧文仲曰宋其興乎禹湯罪已其興也悖焉桀紂罪人其亡也忽焉且列國有凶稱孤禮也言懼而名禮其庶乎既而聞之曰公子御說之辭也臧孫達曰是宜爲君有恤民之

淡語

西語在今亦近腐

心

冬王姬歸于齊

冬齊侯來逆共姬

○乘丘之役公以金僕姑射南宮長萬公右欻孫生搏之宋人請之宋公靳之曰始吾敬子今子魯囚也吾弗敬子矣病之

十有二年春王三月紀叔姬歸于鄆

夏四月

秋八月甲午宋萬弑其君捷及其大夫仇牧 冬

此亦當置一二年首

十月宋萬出奔陳

十二年秋宋萬弑閔公于蒙澤遇仇牧于門批而殺之遇大宰督于東宮之西又殺之立子游羣公子奔蕭公子御說奔亳南宮牛猛獲帥師圍亳冬十月蕭叔大心及戴武宣穆莊之族以曹師伐之殺南宮牛于師殺子游于宋立桓公猛獲奔衛南宮萬奔陳以乘車輦其母一日而至宋人請猛獲于衛衛人欲勿與石祁子曰不可天下之惡一也惡于宋而保於我保之何補

得一夫而失一國與惡而弃好非謀也衛人歸之亦請南宮萬于陳以賂陳人使婦人飲之酒而以犀革裹之比及宋手足皆見宋人皆醢之十有三年春齊侯宋人陳人蔡人邾人會于北杏夏六月齊人滅遂

十三年春會于北杏以平宋亂遂人不至夏齊人滅而戍之

秋七月

冬公會齊侯盟于柯

冬盟于柯始及齊平也

此句當在十四年首

○宋人背北杏之會

十有四年春齊人陳人曹人伐宋 夏單伯會伐

宋

十四年春諸侯伐宋齊請師于周夏單伯會之取成于宋而還

○鄭厲公自櫟侵鄭及大陵獲傅瑕傅瑕曰苟舍我吾請納君與之盟而赦之六月甲子傅瑕殺鄭子及其二子而納厲公初內蛇與外蛇鬪於

裏言當是腹  
心密言  
止論  
章法亦流動  
然皆口頭話

鄭南門中內蛇死六年而厲公入公聞之間於申繻曰猶有妖乎對曰人之所忌其氣燄以取之妖由人興也人無釁焉妖不自作人弃常則妖興故有妖厲公入遂殺傅瑕使謂原繁曰傅瑕貳周有常刑既伏其罪矣納我而無二心者吾皆許之上大夫之事吾願與伯父圖之且寡人出伯父無裏言入又不念寡人寡人憾焉對曰先君桓公命我先人典司宗祏社稷有主而外其心其何貳如之苟主社稷國內之民其誰

不為臣臣無二心天之制也子儀在位十四年矣而謀召君者庸非貳乎莊公之子猶有八人若皆以官爵行賂勸貳而可以濟事君其若之何臣聞命矣乃縊而死

秋七月荆入蔡

蔡哀侯為莘故繩息媯以語楚子楚子如息以食入享遂滅息以息媯歸生堵敖及成王焉未言楚子問之對曰吾一婦人而事二夫縱弗能死其又奚言楚子以蔡侯滅息遂伐蔡秋七月

如何又言

楚入蔡君子曰商書所謂惡之易也如火之燎于原不可鄉邇其猶可撲滅者其如蔡哀侯乎冬單伯會齊侯宋公衛侯鄭伯于鄆

冬會于鄆宋服故也

十有五年春齊侯宋公陳侯衛侯鄭伯會于鄆

十五年春復會焉齊始霸也

夏夫人姜氏如齊

秋宋人齊人邾人伐鄆 鄭人侵宋

秋諸侯為宋伐鄆鄭人間之而侵宋

冬十月

十有六年春王正月

夏宋人齊人衛人伐鄭

十六年夏諸侯伐鄭宋故也

秋荆伐鄭

鄭伯自櫟入緩告于楚秋楚伐鄭及櫟為不禮

故也

○鄭伯治與於雍糾之亂者九月殺公子闕則強  
鉏公父定叔出奔衛三年而復之曰不可使共

冬叔無後於鄭使以十月入曰良月也就盈數焉

君子謂強鉏不能衛其足

冬十有二月會齊侯宋公陳侯衛侯鄭伯許男滑

伯滕子同盟于幽

冬同盟于幽鄭成也

邾子克卒

○王使虢公命曲沃伯以一軍為晉侯

○初晉武公伐夷執夷詭諸薦國請而免之既而

弗報故子國作亂謂晉人曰與我伐夷而取其



地遂以晉師伐夷殺夷詭諸周公忌父出奔虢

○惠王立而復之

十有七年春齊人執鄭詹

十七年春齊人執鄭詹鄭不朝也

夏齊人殲于遂

夏遂因氏領氏工婁氏須遂氏饗齊戍醉而殺

之齊人殲焉

秋鄭詹自齊逃來

冬多麋

十有八年春王三月日有食之

○十八年春虢公晉侯朝王王饗醴命之宥皆賜

玉五穀馬三匹非禮也王命諸侯名位不同禮

亦異數不以禮假人

○虢公晉侯鄭伯使原莊公逆王后于陳陳媯歸

于京師實惠后

夏公追戎于濟西

夏公追戎于濟西不言其來諱之也

秋有蜚

春秋有蝥為災也

冬十月

○初楚武王克權使鬬縉尹之以叛圍而殺之遷權於那處使鬬敖尹之及文王即位與巴人伐申而驚其師巴人叛楚而伐那處取之遂門于楚閭敖游涌而逸楚子殺之其族為亂冬巴人因之以伐楚

十有九年春王正月夏四月

○十九年春楚子禦之大敗於津還鬻拳弗納遂

事奇

伐黃敗黃師于蹠陵還及湫有疾夏六月庚申卒鬻拳葬諸夕室亦自殺也而葬於絳皇初鬻拳強諫楚子楚子弗從臨之以兵懼而從之鬻拳曰吾懼君以兵罪莫大焉遂自刎也楚人為大閹謂之大伯使其後掌之君子曰鬻拳可謂愛君矣諫以自納於刑刑猶不忘納君於善秋公子結媵陳人之婦于鄆遂及齊侯宋公盟夫人姜氏如莒

綜括事情嚴核有法

○初王姚嬖于莊王生子頹子頹有寵為國為之

春秋左傳卷之六

俱奪地事而  
三變文

王室有如許  
大事齊桓竟  
若不聞經又  
不書殊可疑

春秋左傳

師及惠王即位取為國之圃以為圃邊伯之宮  
近於王宮王取之王奪子禽祝跪與詹父田而  
收膳夫之秩故為國邊伯石速詹父子禽祝跪  
作亂因蘇氏秋五大夫奉子頹以伐王不克出  
奔溫蘇子奉子頹以奔衛衛師燕師伐周冬立  
子頹

冬齊人宋人陳人伐我西鄙

二十年春王二月夫人姜氏如莒

夏齊大災

秋七月

冬齊人伐我

○二十年春鄭伯和王室不克執燕仲父夏鄭伯  
遂以王歸王處于櫟秋王及鄭伯入于鄆遂入  
成周取其寶器而還冬王子頹享五大夫樂及  
徧舞鄭伯聞之見虢叔曰寡人聞之哀樂失時  
殃咎必至今王子頹歌舞不倦樂禍也夫司寇  
行戮君為之不舉而况敢樂禍乎奸王之位禍  
孰大焉臨禍忘憂憂必及之益納王乎虢公曰

春秋左傳 莊公

寡人之願也

二十有一年春王正月

夏五月辛酉鄭伯突卒

二十一年春胥命于弭夏同伐王城鄭伯將王

自圍門入虢叔自北門入殺王子頹及五大夫

鄭伯享王于闕西辟樂備王與之武公之畧自

虎牢以東原伯曰鄭伯效尤其亦將有咎五月

鄭厲公卒

秋七月戊戌夫人姜氏薨

冬十有二月葬鄭厲公

○王巡虢守虢公為王宮于珙王與之酒泉鄭伯

之享王也王以后之鞶鑑予之虢公請器王予

之爵鄭伯由是始惡王冬王歸自虢

二十有二年春王正月肆大眚

癸丑葬我小君文姜

陳人殺其公子御寇

二十二年春陳人殺其太子御寇陳公子完與

顓孫奔齊顓孫自齊來奔齊侯使敬仲為卿辭

曰羈旅之臣幸若獲宥及於寬政赦其不閑於  
教訓而免於罪戾弛於負擔君之惠也所獲多  
矣敢辱高位以速官謗請以死告詩云翹翹車  
乘招我以弓豈不欲往畏我友朋使爲工正飲  
桓公酒樂公曰以火繼之辭曰臣卜其晝未卜  
其夜不敢君子曰酒以成禮不繼以淫義也以  
君成禮弗納於淫仁也初懿氏卜妻敬仲其妻  
占之曰吉是謂鳳皇于飛和鳴鏘鏘有媯之後  
將育于姜五世其昌竝于正卿八世之後莫之

兩句甚勁有

演卦義甚暢  
有態

與京陳厲公蔡出也故蔡人殺五父而立之生  
敬仲其少也周史有以周易見陳侯者陳侯使  
筮之遇觀<sub>三</sub>之否<sub>三</sub>曰是謂觀國之光利用賓  
于王此其代陳有國乎不在此其在異國非此  
其身<sub>法</sub>在其子孫光遠而自他有耀者也坤土也  
巽風也乾天也風爲天於土上山也有山之材  
而照之以天光於是乎居土上故曰觀國之光  
利用賓于王庭實旅百奉之以玉帛天地之美  
具焉故曰利用賓于王猶有觀焉故曰其在後

乎風行而著於土故曰其在異國乎若在異國必姜姓也姜大嶽之後也山嶽則配天物莫能兩大陳衰此其昌乎及陳之初亡也陳桓子始大於齊其後亡也成子得政

夏五月

秋七月丙申及齊高偃盟于防

冬公如齊納幣

二十有三年春公至自齊

祭叔來聘

夏公如齊觀社

二十三年夏公如齊觀社非禮也曹劌諫曰不可夫禮所以整民也故會以訓上下之則制財用之節朝以正班爵之義帥長幼之序征伐以討其不然諸侯有王王有巡守以大習之非是君不舉矣君舉必書書而不法後嗣何觀

公至自齊

荆人來聘

公及齊侯遇于穀蕭叔朝公

正論實語然尚覺未暢

長卿論巴蜀  
本此  
衛之者不然

○晉桓莊之族偪獻公患之士蔿曰去富子則羣公子可謀也已公曰爾試其事士蔿與羣公子謀譖富子而去之

秋丹桓宮楹凡梁也不設於廟而設於楹

秋丹桓宮之楹王不設於廟而設於楹

冬十有一月曹伯射姑卒齊桓公之弟也

十有二月甲寅公會齊侯盟于扈王不設於廟而設於楹

二十有四年春王三月刻桓宮楹也曹伯諫曰不

夏二十四年春刻其楹皆非禮也御孫諫曰臣聞

其楹是承上文語

之儉德之共也侈惡之大也先君有共德而君

納諸大惡無乃不可乎御孫諫曰不

葬曹莊公春秋刻其楹皆非禮也

夏公如齊逆女齊侯之弟也


秋公至自齊齊侯之弟也

八月丁丑夫人姜氏入 戊寅大夫宗婦覲用幣

秋哀姜至公使宗婦覲用幣非禮也御孫曰男

贄大者玉帛小者禽鳥以章物也女贄不過榛

栗棗脩以告虔也今男女同贄是無別也男女



春秋左傳

之別國之大節也而由夫人亂之無乃不可乎

大水

冬我侵曹曹羈出奔陳赤歸于曹

郭公

○晉士蔿又與羣公子謀使殺游氏之二子士蔿

告晉侯曰可矣不過二年君必無患

二十有五年春陳侯使女叔來聘

二十五年春陳女叔來聘始結陳好也嘉之故

不名

夏五月癸丑衛侯朔卒

六月辛未朔日有食之鼓用牲于社

夏六月辛未朔日有食之鼓用牲于社非常也

唯正月之朔慝未作日有食之於是乎用幣于

社伐鼓于朝

伯姬歸于杞

秋大水鼓用牲于社于門

秋大水鼓用牲于社于門亦非常也凡天災有

幣無牲非日月之眚不鼓

春秋左傳卷八

二十三



冬公子友如陳

○晉士蔿使羣公子盡殺游氏之族乃城聚而處之冬晉侯圍聚盡殺羣公子

二十有六年春公伐戎夏公至自伐戎

○二十六年春晉士蔿為大司空夏士蔿為城絳以

深其宮

曹殺其大夫

秋公會宋人齊人伐徐

○秋虢人侵晉冬虢人又侵晉

冬十有二月癸亥朔日有食之

二十有七年春公會杞伯姬于洮

二十七年春公會杞伯姬于洮非事也天子非

展義不巡守諸侯非民事不舉卿非君命不越

竟

夏六月公會齊侯宋公陳侯鄭伯同盟于幽

夏同盟于幽陳鄭服也

秋公子友如陳葬原仲

秋公子友如陳葬原仲非禮也原仲季友之舊

孟子晏子對  
無非事者

也

冬杞伯姬來

歸寧也凡諸侯之女歸寧曰來出

夏曰來歸夫人歸寧曰如某出曰歸于某

莒慶來逆叔姬

杞伯來朝

公會齊侯于城濮

○晉侯將伐虢士蔿曰不可虢公驕若驟得勝於

我必弃其民無衆而後伐之欲禦我誰與夫禮

抄論

樂慈愛戰所畜也夫民讓事樂和愛親哀喪而

後可用也虢弗畜也亟戰將饑

○王使召伯廖賜齊侯命且請伐衛以其立子頹

也

二十有八年春王三月甲寅齊人伐衛衛人及齊

人戰衛人敗績

二十八年春齊侯伐衛戰敗衛師數之以王命

取賂而還

夏四月丁未邾子瑣卒

○晉獻公娶于賈無子，烝於齊姜，生秦穆夫人。及  
 大子申生，又娶二女於戎，大戎狐姬生重耳，小  
 戎子生夷吾。晉伐驪戎，驪戎男女以驪姬歸，生  
 奚齊。其娣生卓子，驪姬嬖，欲立其子，賂外嬖梁  
 五，與東關嬖五，使言於公曰：「曲沃，君之宗也。蒲  
 與二屈，君之疆也。不可以無主。宗邑無主，則民  
 不威；疆場無主，則啟戎心。戎之生心，民慢其政，  
 國之患也。若使大子主曲沃，而重耳夷吾主蒲，  
 與屈則可以威民而懼戎，且旌君伐，使俱曰：『狄

之廣莫於晉，為都晉之啟土，不亦宜乎？」晉侯說  
 之，夏使大子居曲沃，重耳居蒲城，夷吾居屈。羣  
 公子皆鄙，唯二姬之子在絳。二五卒與驪姬譖  
 羣公子而立奚齊。晉人謂之二五耦。

秋，荆伐鄭，公會齊人、宋人救鄭。

楚令尹子元欲蠱文夫人，為館於其宮側而振  
 萬焉。夫人聞之，泣曰：「先君以是舞也，習戎備也。  
 今令尹不尋諸仇讐而於未亡人之側，不亦異  
 乎？」御人以告子元。子元曰：「婦人不忘襲讐，我反

妙有致

忘之秋子元以車六百乘伐鄭入于桔柣之門  
子元鬪御彊鬪梧耿之不比為旃鬪班王孫游  
王孫喜殿衆車入自純門及達市縣門不發楚  
言而出子元曰鄭有人焉諸侯救鄭楚師夜遁  
鄭人將奔桐丘謀告曰楚幕有烏乃止

冬築郿

築郿非都也凡邑有宗廟先君之主曰都無曰  
邑邑曰築都曰城  
大無麥禾臧孫辰告糴于齊

冬饑臧孫辰告糴于齊禮也

二十有九年春新延廡

二十九年春新作延廡書不時也凡馬日中而  
出日中而入

夏鄭人侵許

夏鄭人侵許凡師有鍾鼓曰伐無曰侵輕曰襲

秋有蜚

秋有蜚為災也凡物不為災不書

冬十有二月紀叔姬卒

城諸及防

冬十二月城諸及防書時也凡土功龍見而畢務戒事也火見而致用水昏正而栽日至而畢

○樊皮叛王  
三十年春王正月

○三十年春王命虢公討樊皮夏四月丙辰虢公入樊執樊仲皮歸于京師

夏次于成  
秋七月齊人降郟

處王宮蓋亦既烝息媯

○楚公子元歸自伐鄭而處王宮鬪射師諫則執而梏之秋申公鬪班殺子元鬪穀於菟為令尹自毀其家以紓楚國之難

八月癸亥葬紀叔姬

九月庚午朔日有食之鼓用牲于社

冬公及齊侯遇于魯濟

冬遇于魯濟謀山戎也以其病燕故也

齊人伐山戎

三十有一年春築臺于郎

夏四月薛伯卒

築臺于薛

六月齊侯來獻戎捷

三十一年夏六月齊侯來獻戎捷非禮也凡諸

侯有四夷之功則獻于王王以警于夷中國則

否諸侯不相遺俘

秋築臺于秦

冬不雨

三十有二年春城小穀

三十二年春城小穀為管仲也

夏宋公齊侯遇于梁丘

齊侯為楚伐鄭之故請會于諸侯宋公請先見

于齊侯夏遇于梁丘

○秋七月有神降于莘惠王問諸內史過曰是何

故也對曰國之將興明神降之監其德也將亡

神又降之觀其惡也故有得神以興亦有以亡

虞夏商周皆有之王曰若之何對曰以其物享

焉其至之日亦其物也王從之內史過往聞虢

請命反曰虢必亡矣虐而聽於神神居莘六月  
虢公使祝應宗區史噐享焉神賜之土田史噐  
曰虢其亡乎吾聞之國將興聽於民將亡聽於  
神神聰明正直而壹者也依人而行虢多涼德  
其何土之能得

涼德字在今  
亦是陳言

秋七月癸巳公子牙卒 八月癸亥公薨于路寢  
冬十月巳未子般卒

初公築臺臨黨氏見孟任從之闕而以夫人言  
許之割臂盟公生子般焉雩講于梁氏女公子

觀之圉人犖自牆外與之戲子般怒使鞭之公  
曰不如殺之是不可鞭犖有力焉能投蓋于稷  
門公疾問後於叔牙對曰慶父材問於季友對  
曰臣以死奉般公曰鄉者牙曰慶父材成季使  
以君命命僖叔待于鍼巫氏使鍼季醜之曰飲  
此則有後於魯國不然死且無後飲之歸及達  
泉而卒立叔孫氏八月癸亥公薨于路寢子般  
卽位次于黨氏冬十月巳未共仲使圉人犖賊  
子般于黨氏成季奔陳立閔公

公子慶父如齊

狄伐邢

萬曆丙辰夏吳興閔齊華  
閔齊伋閔象泰分次經傳

春秋左傳卷之九 閔公八年 齊人伐邢 齊人救邢 齊人伐邢 管敬仲言於齊侯曰 戎狄豺狼 不可厭也 諸夏親暱 不可弃也 宴安酖毒 不可懷也 詩云 豈不懷歸 畏此簡書 簡書同惡相恤之謂也 請救邢以從 簡書齊人救邢

春秋左傳

閔公

元年春王正月

元年春不書即位亂故也

齊人救邢

狄人伐邢管敬仲言於齊侯曰戎狄豺狼不可

厭也諸夏親暱不可弃也宴安酖毒不可懷也

詩云豈不懷歸畏此簡書簡書同惡相恤之謂

也請救邢以從簡書齊人救邢

句法太方



夏六月辛酉葬我君莊公

夏六月葬莊公亂故是以緩

秋八月公及齊侯盟于落姑季子來歸

秋八月公及齊侯盟于落姑請復季友也齊侯

許之使召諸陳公次于郎以待之季子來歸嘉

之也

冬齊仲孫來

冬齊仲孫湫來省難書曰仲孫亦嘉之也仲孫

歸曰不去慶父魯難未已公曰若之何而去之

對曰難不已將自斃君其待之公曰魯可取乎

對曰不可猶秉周禮周禮所以本也臣聞之國

將亡本必先顛而後枝葉從之魯不棄周禮未

可動也君其務寧魯難而親之親有禮因重固

閒攜貳覆昏亂霸王之器也

○晉侯作二軍公將上軍太子申生將下軍趙夙

御戎畢萬為右以滅耿滅霍滅魏還為太子城

曲沃賜趙夙耿賜畢萬魏以為大夫士蔣曰大

子不得立矣分之都城而位以卿先為之極又

似童推語何  
遽為符耶

焉得立不如逃之無使罪至為吳大伯不亦可乎猶有令名與其及也且諺曰心苟無瑕何恤乎無家天若祚天子其無晉乎卜偃曰畢萬之後必大萬盈數也魏大名也以是始賞天啟之矣天子曰兆民諸侯曰萬民今名之大以從盈數其必有衆初畢萬筮仕於晉遇屯☵之比☵辛廖占之曰吉屯固比入吉孰大焉其必蕃昌震為土車從馬足居之兄長之母覆之衆歸之六體不易合而能固安而能殺公侯之卦也公

侯之子孫必復其始

二年春王正月齊人遷陽

○二年春虢公敗犬戎于涓泃舟之僑曰無德而

祿殃也殃將至矣遂奔晉

夏五月乙酉吉禘于莊公

夏吉禘于莊公速也

秋八月辛丑公薨九月夫人姜氏孫于邾公

子慶父出奔莒

初公傅奪卜齋田公不禁秋八月辛丑共仲使

春和左傳  
卜齧賊公于武闈成季以僖公適邾共仲奔莒  
乃入立之以賂求共仲于莒莒人歸之及密使  
公子魚請不許哭而往共仲曰奚斯之聲也乃  
縊閔公哀姜之娣叔姜之子也故齊人立之共  
仲通於哀姜哀姜欲立之閔公之死也哀姜與  
知之故孫于邾齊人取而殺之于夷以其尸歸  
僖公請而葬之成季之將生也桓公使卜楚丘  
之父卜之曰男也其名曰友在公之右閒于兩  
社為公室輔季氏亡則魯不昌又筮之遇大有

三三之乾三三曰同復于父敬如君所及生有文在  
其手曰友遂以命之

冬齊高子來盟

十有二月狄入衛

冬十二月狄人伐衛衛懿公好鶴鶴有乘軒者

將戰國人受甲者皆曰使鶴鶴實有祿位余焉

能戰公與石祁子玦與甯莊子矢使守曰以此

贊國擇利而為之與夫人繡衣曰聽於二子渠

孔御戎子伯為右黃夷前驅孔嬰齊殿及狄人

叙戰事亦安  
志有致

色濃

戰于熒澤衛師敗績遂滅衛衛侯不去其旗是以甚敗狄人囚史華龍滑與禮孔以逐衛人二人曰我大史也實掌其祭不先國不可得也乃先之至則告守曰不可待也夜與國人出狄人衛遂從之又敗諸河初惠公之即位也少齊人使昭伯烝於宣姜不可強之生齊子戴公文公宋桓夫人許穆夫人文公為衛之多患也先適齊及敗宋桓公逆諸河宵濟衛之遺民男女七百有三十人益之以共滕之民為五千人立戴

淋漓有息

公以廬于曹許穆夫人賦載馳齊侯使公子無虧師車三百乘甲士三千人以戍曹歸公乘馬祭服五稱牛羊豕雞狗皆三百與門材歸夫人魚軒重錦三十兩曰寡人亦未與其歸也鄭奔其師鄭人惡高克使帥師次于河上久而弗召師潰而歸高克奔陳鄭人為之賦清人鄭侯使太子申生伐東山臯落氏里克諫曰大子奉豕祀社稷之粢盛以朝夕視君膳者也故

此是文本源

止論然文却  
平

日冢子君行則守有守則從從日撫軍守日監  
國古之制也夫帥師專行謀誓軍旅君與國政  
之所圖也非大子之事也師在制命而已稟命  
則不威專命則不孝故君之嗣適不可以帥師  
君失其官帥師不威將焉用之且臣聞臯落氏  
將戰君其舍之公曰寡人有子未知其誰立焉  
不對而退見大子大子曰吾其廢乎對曰告之  
以臨民教之以軍旅不共是懼何故廢乎且子  
懼不孝無懼弗得立脩已而不責人則免於難

又作門面語

奇

諸大夫各出議  
論殆如送行文  
字甚有態有色  
但文多四字稍  
覺方拙  
本是不好却令  
一人說好起  
狐突尊行也故  
其論最深而盡  
此是文腹

大子帥師公衣之偏衣佩之金玦狐突御戎先  
友爲右梁餘子養御罕夷先丹木爲右羊舌大  
夫爲尉先友曰衣身之偏握兵之要在此行也  
子其勉之偏躬無慝兵要遠災親以無災又何  
患焉狐突歎曰時事之徵也衣身之章也佩衷  
之旗也故敬其事則命以始服其身則衣之純  
用其衷則佩之度今命以時卒闕其事也衣之  
龙服遠其躬也佩以金玦弃其衷也服以遠之  
時以闕之龙凉冬殺金寒玦離胡可恃也雖欲

險絕

春秋左傳卷八

六

春秋左傳

正論

少救前

烟波黯慘復  
出將戰一奇

勉之狄可盡乎梁餘子養曰帥師者受命於廟  
受脈於社有常服矣不獲而危命可知也死而  
不孝不如逃之罕夷曰危奇無常金玦不復雖  
復何為君有心矣先丹木曰是服也狂夫阻之  
曰盡敵而反敵可盡乎雖盡敵猶有內讒不如  
違之狐突欲行羊舌大夫曰不可違命不孝弃  
事不忠雖知其寒惡不可取子其死之大子將  
戰狐突諫曰不可昔辛伯諗周桓公云內寵竝  
后外寵二政嬖子配適大都耦國亂之本也周

倒句掉尾

西語精絕

實事作工階  
語


公弗從故及於難今亂本成矣立可必乎孝而  
安民子其圖之與其危身以速罪也  
○成風聞成季之繇乃事之而屬僖公焉故成季  
立之

○僖之元年齊桓公遷邢于夷儀二年封衛于楚  
丘邢遷如歸衛國忘亡

○衛文公大布之衣大帛之冠務材訓農通商惠  
工敬教勸學授方任能元年革車三十乘季年  
乃三百乘

春秋左傳卷八

萬曆丙辰夏吳興閔齊華  
閔齊伋閔象泰分次經傳



文代丙子

